

D'INDIANER

Text: Adrian Klapproth
Melodie: Adrian Klapproth- Beni Mosele

1. Strophe

Do froged d'Indianer / vome Stamm im Reservat
Ihre jungi Häuptling / säg, hesch e Rot parad
S'wird langsam chalt im Tipi / chälter Grad um Grad

Är seid ärscht und würdig / losed zue au hür
Stohd nochem warme Herbscht / de Winter vor de Tür
Gönd holed Holz zum füüre / dünn, dick, troch und dürr

Refrain

Und d'Indianer sammled wie verruckt Holz
Immer meh und no meh chnochedürs Holz
Geduldig, flissig, usdurend und stolz
D'Indianer sammled wie verruckt Holz

2. Strophe

Und während dem die fließige / Fraue und au Manne
Holz tüend sammle under / Bueche, Eiche, Tanne
Telefoniert de Häuptling wacker / denn är wott jo kei Panne

Är wählt de Wätterdiensch / und frogd ganz höflich a
Die meined s'chönnti scho / e herte Winter gäh
Är seid sine Lüt: meh sammle / und ned tragisch näh

Refrain

Und d'Indianer sammled wie verruckt Holz
Immer meh und no meh chnochedürs Holz
Geduldig, flissig, usdurend und stolz
D'Indianer sammled wie verruckt Holz

3. Strophe

De Lagerplatz dä isch scho / mit Holz grad voll und pläng
D'Lüt froged ihre Häuptling / ob's ächt langsam läng
Denn ufem Lagerplatz, do wird's jetzt wüirklich äng

De Häuptling frogt de Wätterdiensch / ob's ned gli tüeg taue
Die säged, s'wärdi isig / e Gfohr für Chind und Fraue
De Häuptling meint: es brucht no meh / gönd go Bäum umhaue

Refrain

Und d'Indianer sammled wie verruckt Holz
Immer meh und no meh chnochedürs Holz
Geduldig, flissig, usdurend und stolz
D'Indianer sammled wie verruckt Holz

4. Strophe

Au de Häuptling leid jetzt sälber / wacker Hand mit a
Schliesslich isch är i sim Volk / der allererschi Ma
Doch denn zückt är sis Handy / und lüted wieder a

Är frogt de Wätterdiensch / die meined, s'gfrührt rundum
Es gid de hertischt Winter / jo mier studiered drum
D'Indianer ganz,ganz gnau / und die sind jo ned dumm

Refrain

Und die sammled alli wie verruckt Holz
Immer meh und no meh chnochedürs Holz
:Geduldig, flissig, usdurend und stolz
D'Indianer sammled wie verruckt Holz:

Oktober 2009
Januar 2010
Oktober 2012

Auf CD „„Bis zu mim letschte Schnuf“